

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

MIŠLJENJE

po zahtjevu privrednog subjekta MAD Group d.o.o. Sarajevo

Sarajevo
decembar, 2024.godine



Broj:07-26-7-019-2/24
Sarajevo, 12.12.2024. godine

Na osnovu člana 25. stav (1) tačka f) Zakona o konkurenciji („Službeni glasnik BiH“, br. 48/05, 76/07 i 80/09), a po Zahtjevu za mišljenje privrednog subjekta MAD Group d.o.o Sarajevo-Centar, Muhameda Kantardžića br.3, 71 000 Sarajevo, Bosna i Hercegovina, Konkurencijsko vijeće Bosne i Hercegovine na 19. (devetnaestoj) sjednici održanoj dana 12.12.2024. godine, donijelo je

MIŠLJENJE

Privredni subjekat MAD Group d.o.o Sarajevo-Centar, Muhameda Kantardžića br.3, 71 000 Sarajevo, Bosna i Hercegovina (u daljem tekstu: MAD Group ili Podnosilac zahtjeva), podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja o postojanju obaveze podnošenja prijave koncentracije (u daljem tekstu: Zahtjev), zaprimljen dana 15.11.2024. godine pod brojem: 07-26-7-019-1/24.

Podnosilac zahtjeva navodi da u narednom periodu ima namjeru da (...) ¹. Navedena firma registrovana je i posluje na prostoru Bosne i Hercegovine, ali je u vlasništvu kompanija iz inostranstva. Prihodi ciljnog društva, odnosno firme koja se namjerava kupiti iznose preko (...) *KM, a njen tržišni udio je cca (...) *%. Podnosilac zahtjeva navodi da je njegov prihod zajedno sa povezanim privrednim licima cca (...) * KM.

Podnosilac zahtjeva, u skladu sa navedenim, traži mišljenje od Konkurencijskog vijeća u vezi postojanje obaveze podnošenja prijave koncentracije.

Konkurencijsko vijeće kao bitne za predmetni Zahtjev ističe odredbe člana 12. stav (1) i stav (2) Zakona o konkurenciji, koje glase:

„ (1) Koncentracijom u smislu ovog Zakona, smatra se:

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili prevladavajućeg uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
 - 1) sticanjem kupovinom većine dionica ili udjela osnovnog kapitala; ili
 - 2) sticanjem većine prava glasa; ili
 - 3) na drugi način, u skladu s odredbama zakona koji regulišu osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

(2) Sticanje kontrole u smislu stava (1) ovog člana ostvaruje se putem prava, zaključivanjem sporazuma ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stiču mogućnost ostvarivanja dominantnog uticaja nad jednim ili više privrednih subjekata.“

¹ (...) *- podatak predstavlja poslovnu tajnu

Članom 14. stav (1) Zakona o konkurenciji propisano je da su učesnici namjeravanu koncentraciju obavezni prijaviti kada su ispunjeni slijedeći uslovi:

- a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000 KM po završnom računu u godini koja je prethodila koncentraciji; i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000 KM po završnom računu u godini koja je prethodila koncentraciji, ili ako je njihov zajedničko učešće na relevantnom tržištu veći od 40%.

Članom 2. Odluke o načinu podnošenja prijave i kriterijima za ocjenu koncentracija privrednih subjekta („Službeni glasnik BiH“, broj 34/10) je propisano da su namjeravanu koncentraciju iz člana 12. Zakona o konkurenciji, učesnici koncentracije obavezni prijaviti i to:

- a) Privredni subjekti sa sjedištem i prebivalištem u inostranstvu ukoliko su ispunjeni uslovi iz člana 14. stav (1) tačke a) i b) Zakona o konkurenciji, i
- b) Privredne subjekti sa sjedištem i prebivalištem u Bosni i Hercegovini ukoliko su ispunjeni uslovi iz člana 14. stav (1) tačka b) Zakona o konkurenciji.

Relevantno geografsko tržište se u skladu sa odredbom člana 2. Odluke o utvrđivanju relevantnog tržišta („Službeni glasnik BiH“, br. 18/06 i 34/10) određuje kao tržište određenih proizvoda koju su predmet obavljanja djelatnosti privrednih subjekata na određenom geografskom području i relevantno tržište se utvrđuje posebno za svaki dati slučaj.

Prilikom odlučivanja o obavezi podnošenja prijave koncentracije Konkurencijskom vijeću, privredni subjekti trebaju jednaku pažnju posvetiti svim navedenim kriterijima, kako ukupnom godišnjem prihodu, tako i zajedničkom tržišnom učešću učesnika koncentracije, jer se oba kriterija analiziraju i imaju jednaku važnost prilikom ocjene postojanja obaveze prijave koncentracije Konkurencijskom vijeću.

Podnosilac zahtjeva je dužan prijaviti koncentraciju ukoliko ista ispunjava uslove definisane u članu 12. Zakona o konkurenciji, i ako učesnici koncentracije ispunjavaju uslove iz člana 14. stav (1) tačke a) i b) istog Zakona, odnosno člana 2. Odluke o načinu podnošenja prijave i kriterijima za ocjenu koncentracija privrednih subjekta.

Predsjednik

Ivo Jerkić

Dostavljeno:

- **MAD Group**
- **U spis**
- **a/a**